

LA QUOTIDIANA

Editura: Samedia Press AG
Editur: Hanspeter Lebrument
CEO: Thomas Kundert

Editura Samedia

Via Sommerau 32, 7007 Cuira;
tel. 081 255 50 50,
mail: verlag@samedia.ch

Redacziun responsabla:

Fundaziun Medias Rumantschas (FMR):
Schefredactor FMR: David Truttmann (dat)

Substitut schefredactor FMR:

Hans Huonder (hh)

Redacziun FMR:

Augustin Beeli (abc), Andreas Cadonau (ac),
Flurin Andry (fa, correctorat), Michael Steiner (mst),
Claudia Cadruvi (vi) Gabriela Riedi (ri), Martin Gabriel (mg),
Sandro Buchli (sb), Stefanie Elsa (ste),
Annetta Janka-Zini (aj, correctorat), Dario Müller (dm),
Olivia Portmann-Mosca (opm), Toni Vinzens (vit)

Adressas redacziunalas:

FMR Fundaziun Medias Rumantschas,
Via da Masans 2, 7000 Cuira
mail: redacziun@fmr.ch
tel. 081 544 89 11

www.fmr.ch

Servetsch d'abunents e da distribuziun:

Via Sommerau 32, 7007 Cuira,
tel. 0844 226 226,
mail: abo@samedia.ch

Inserats:

Samedia Promotion,

Städtlistrasse 12, 7130 Glion
tel. 081 920 07 17, fax 081 920 07 18,
mail: ilanz.inserate@samedia.ch

La Quotidiana cumpara tschintg giadas ad emna.

Ediziun derasada, Südostschweiz cumplet:

57 450 exemplars (WEMF, 2025),
da quai ediziuns vendidas 52 420 exemplars
Derasaziun: 148 897 lecturas e lecturs
(MACH-Basic 2025-1)

La Samedia Press AG è possessura dals titels
«Fögl Ladin», «Gasetta Romontsch», «Casa
Paterna/La Pünt» e «La Vousch da Surmeir».

Pretschs d'abunaments sut:

www.suedostschweiz.ch/aboservice

Communicaziun da participaziuns considerablas
sin fundament da art. 322 CP:

nagin

© Samedia

FORUM

Tgi che spargna aschia, fleivlenta la Svizra

L'iniziativa «200 francs bastan» pretenda da vuler descargar la buorsa. En verdad ei ella in tagl radical prigulus. Far permiez la taxa da radio e televisiun streha alla SSR bunamein 800 milliuns francs e fleivlenta a moda e maniera massiva il service public medial.

La SSR ei la suletta casa da medias che s'en-gascha en Svizra per tut ils quater lungatgs naziunals e contribuescha aschia alla cohesiun da nossa tiara. En ina democrazia directa ei informaziun fidada, independenta e fundada sin fatgs negin luxus, mobein premissa fundamentala per far in agen meini. Tgi che fleivlenta la SSR, fleivlenta la finala nossa democrazia.

Fetg gravontas fussen las consequenzas per nies cantun Grischun. Sco unic cantun triling essan nus dependents d'ina cuntrada da medias multifara e ferma. RTR procura ch'il romontsch ei presents sin plaun naziunal – buca sco folclora, mobein sco lungatg dil mintgadi, dalla cultura e dalla debatta politica. Era la populaziun da lungatg talian dil Grischun ei de-

pendenta dils rapports da RSI. E precis questas purschidas vegnessen sut pressiuin e stuessen – sche l'iniziativa vegness acceptada – vegnir reducidas massivamein. Sco dapertut: mesiras da spargn vegnan applicadas leu, nua che la fiera ha ton sco negina impurtonza economica.

La SSR sto spargnar. El futur ha ella a disposiziun in preventiv da minus 17 pertschien. Il Cussegl federal vegn numnadamein a reducir vinavon la taxa dallas casadas. Quei ei ina via pretensiusa. L'iniziativa per far permiez la taxa va denton bia pli lunsch. Oz, en temps da fake news, da desinformaziun e da polarisaziun, fuss quei in signal fatal.


Tgi che streha 800 milliuns francs, spargna buca, mobein destruescha. Perquei drovi in clar NA all'iniziativa «200 francs bastan». Per nies lungatg e per ina Svizra informada, multi-fara e democratica.

Martin Candinas,
cusseglier naziunal

Voss «orizonts»

La gasetta La Quotidiana porscha ina pagina cun il titel «Orizonts», la quala dat spazi a contribuziuns era da lecturas e lecturs, vul dir ina pagina cun auters u ulteriurs orizonts, sper quels da redacturas e redacturs da la FMR. Sin ils «Orizonts» duain avair piazza brevs, opiniuns, artitgels da forum, necrologs, fotografias commentadas, gratulaziuns etc.

Las contribuziuns ston esser signadas cun num da l'autur u da l'autura. I vegnan publitgadas mo contribuziuns scrittas en lingua rumantscha e talas che sa tegnan vi da simpels principis da la buna maniera. Las contribuziuns na vegnan betg indemnizadas cun in onurari. La redacziun FMR selectescha, curregia e redigia tenor basegn e las impaginescha sin ils «Orizonts» da La Quotidiana. La redacziun da la FMR sa legra da vossas contribuziuns! (fmr)



Vossas contribuziuns pudais trametter a la redacziun FMR: redacziun@fmr.ch ubain per posta FMR, Fundaziun Medias Rumantschas, Via da Masans 2, 7000 Cuira.

INTER-NAZIUNAL

GLATSCHERS E TURISSEM

La fulla da personas sin glatschers pudess tenor in team da perscrutaders sut la direcziun da l'Universitad da Losanna daventar in problem. Il regress dals glatschers pli spert pervia da la mida-da dal clima ha augmentà l'interess turistic ils davos onns. Quai che basegna adattaziuns tecnicas ed infrastruttura, in svilup critic tenor ils perscrutaders. (sda/fmr)

PORTUGAL: NOV PRESIDENT SOCIALIST

En il Portugal ha il suveran elegì in nov president: Il socialist *António José Seguro* ha gudagnà l'elecziun decisiva. Suentar che bunamain tut las vuschs èn dumbradas, vegnia el sin circa 67 % da las vuschs. Quai ha communitgà la cumissiun electorala a Lissabon. Ses contrahent, il populist da dretga, haja survegni 33 % da la vuschs ed haja già concedi sia terrada. (sda/rtr/fmr)

INIZIATIVA PER LA PROTECZIUN DA VICTUALIAS

L'allianza enturn l'iniziativa per la protecziun da victualias ha tenor atgnas indicaziuns rimnà passa 133 000 suttascripziuns. Il comité da l'iniziativa vul inoltrar l'iniziativa a la Chanzlia federala a Berna sin il termin dals 27. da favrer, hai num en ina communicaziun. L'iniziativa dal pievel vul che organissemms modifitgads geneticamain vegnian controllads vinavant. (sda/fmr)

MUMMENSCHANZ: GROND PREMI DA CULTURA

La gruppa da teater da pantomima Mummenschanz survegn il Grond Premi da cultura da la fundaziun da cultura songagliaisa. Mummenschanz haja tenor ina communicaziun success internaziunal e scrit istorgia da teater svizzer. Il premi è dotà cun 40 000 francs e vegn surdà mintga quatter onns. (sda/fmr)

ALIMENTAZIUN DA POPS E TISSI

Las autoritads svizras examineschan in connex pussaivel tranter la sostanza toxica cereulid en alimentaziun per pops contaminada e symptoms da malsognas cumparids ils davos dis tar pops. Sco che l'Uffizi federal da segirezza alimentara e fatgs veterinars ha communitgà ier glindesdi lavurian las autoritads chantunalas ensemen cun interpresas da victualias. (sda/fmr)

FORUM

Egn suaintermeizgi cun bab a fegl Dolf

Il Cor maschado Donat a danturn cun sieus dirigent *Martin Ulber* anvida ad egna dumeingia suaintermeizgi musicala. Quella stat sut l'anzena digls dus cumponists igls pli ancunaschaints da la Val Schons, igl bab Tumasch a sieus fegl Benedikt Dolf. Tumasch Dolf e igl cumponist igl pli popular da la Rumantschia, sieus hits vignan cantos da numerus cors, dantànt c'igl fegl Benedikt e ancunaschaint an amprega lingia da cantaduras e cantadurs passiuinos. Igl 2025 a *Gieri Venzin* realiso per incumbensa da Radiotevisiun Svizra Rumantscha (RTR) igl film «Tumasch e Benedetg Dolf – In omagi». An vesta a la proxima votaziun davart l'iniziativa «200 CHF bastan» vut igl Cor maschado Donat far atent cun sieus concert sen l'impurtanza ca RTR a par la cultura ad igl lungatg rumàntsch.

Il concert à liac dumeingia, igls 15 da favrer a las 15.00 an sala da gimnastica da Donat. Igl dat tgànt, interpretaziuns da sòlts agl clavazegn, cafe a petas ad igl film. Vus essas cordialmeing anvidos.

Andrea Clopath, president digl Cor maschado Donat a danturn

— FMR FUNDAZIUN
| MEDIAS
RUMANTSCHAS



FOTO MICHAEL STEINER